

"ЗООНОЗЫН ХАЛДВАРЫН ТУЛГАМДСАН АСУУДАЛ" сэдэвт олон улсын эрдэм шинжилгээний хуралд бүтээл хүлээн авах, тавигдах шаардлага

Хамрах сэдэв: Зоонозын халдварын (Тарваган тахал, боом, галзуу, хачигт энцефалит, хачигт боррелиоз, хачигт риккетсиоз, шувууны томуу, баруун Нилийн халуурал, хулгана тахал гэх мэт) шалтгаан судлал, тархвар судлал, эпизоот судлал, нян судлал, молекул биологи, эмнэлзүй, оношилгоо, эмчилгээ, урьдчилан сэргийлэлт.

Хуралд оролцох хэлбэр

- Бүтээл хэвлүүлэх
- Илтгэл хэлэлцүүлэх (аман болон ханын)

Бүтээлд тавигдах шаардлага:

Олон улсын эрдэм шинжилгээний хурлын эмхэтгэлд хэвлүүлэх бүтээлийг дараах шаардлагын дагуу бэлтгэсэн байна. Үүнд:

1. Бүтээлд хэвлүүлэх материалыг 5-10 хуудсанд багтааж, үсгийн фонд Times New Roman 12, мөр хоорондын зай 1, дээрээс 2.5 см, доороос 2 см, зүүн талаас 3 см, баруун талаас 1.5 см зай авч бичнэ.
2. Бүтээл бичих ерөнхий стандартыг хангасан, өгүүллийн эхэнд гарчиг, зохиогчийн нэр, зохиогчийн харьяалагдах албан байгууллагын нэр, E-mail хаяг, түлхүүр үгсийг бичнэ. Бүтээлийн үндсэн бичиглэл нь удиртгал, материал, арга зүй, үр дүн, хэлцэмж, дүгнэлт, ном зүйн жагсаалт гэсэн үндсэн хэсгүүдээс бүрдэнэ. Бүтээлийн хураангуйг 350 үгэнд багтаан Монгол, Англи хэл дээр хийсэн байна.
3. Биологи, хими, анагаахын шинжлэх ухааны нийтээр зөвшөөрөгдсөн нэршил, хэмжигдэхүүнээс бусад нэр, нэршилийг товчлохгүй, олон улсын нэр томъёо хэрэглэсэн байна. Хэмжих нэгжүүд нь СИ системээр бичигдсэн байна.
4. Анагаахын нэр томъёог П.Нямдаваа нарын “Анагаах ухааны Монгол нэр томъёоны англи, герман, латин, орос, франц хэлээр хадмал орчуулгатай товч тайлбар толь”-д байгаагаар буюу уг тольд байхгүй үгийг уг тольд баримтласан зарчмын дагуу бичнэ.
5. Бүтээлд нэр томъёог товчилж бичихгүй, амьтан, шимэгч, бичил биетний зүйлийг бичихдээ эхний удаа бүтэн нэрээр, дараа нь товчлон бичиж болно. Жишээ нь *Oropsylla silantiewi*, цаашид дахин давтагдах тохиолдолд *O.salintiewi* гэж бичнэ. Латин нэрийг налуу (*Italic*)-аар бичнэ.
6. Биоанагаахын ёс зүйн асуудлыг зохицуулж, ёс зүйн зөвшөөрлийг авсан байна.
7. Бүтээлийг өөрсдийн хийсэн судалгааны ажлын үр дүнд үндэслэн бичих бөгөөд нийтлүүлэхийг зөвшөөрсөн эрдэм шинжилгээний удирдагчийн зөвшөөрөл буюу байгууллагын захирал, эрхлэгчийн албан бичигтэйгээр ирүүлнэ.

8. Зураг, график нь зөв оновчтой сонгосон, үр дүнгийн бичиглэл хэсгийг шууд давтаагүй, босоо, хэвтээ тэнхлэгийн утга, хэмжих нэгжийг зөв томъёолж бичсэн байна. Зураг, дүрслэлийн дугаар, нэрийг тухайн зургийн дор оруулна. Зургийн эх хувийг JPEG файлаар хавсралтаар явуулна. Хүснэгтийн нэр, дугаарыг тухайн хүснэгтийн дээр бичнэ.
9. Бүтээлд ном зүйн ишлэл оруулахдаа дөрвөлжин хаалтанд ном зүйн жагсаалт дахь дугаарыг тавина. Ном зүйн жагсаалтыг зохиогчийн үсгийн дарааллаар эсвэл бүтээлд иш татсан дарааллаар АРА загварын дагуу оруулна. Жишээ нь:

Бүтээлд иш татах: Отгонбаатар Д., Цоодол С. Галзуу өвчний тархвар зүйн онцлог // Монголын анагаах ухаан сэтгүүл, УБ, 2006, № 2, Х.12-15.

Ном, нэг сэдэвт зохиол, эмхэтгэлээс иш татах:

Адъяасүрэн З. Монгол Алтайн зүүн өмнөд хэсгийн тарваган тахлын байгалийн голомтын халдвар тархалтын чадамж // Анагаах ухааны докторын зэрэг хамгаалсан бүтээл, УБ, 1994, Х.65-66.

Хэвлэгдсэн илтгэлийн товчлолыг иш татах жишээ:

Ганболд Д., Банди М., Ариунсанаа Б. Хүний ку халуурал өвчний оношилгооны асуудалд // БГХӨЭС Төв эрдэм шинжилгээний бүтээлийн эмхэтгэл, УБ, 2006, Х.176-182.

Онлайн материалыг иш татах жишээ:

Нямдаваа П. Томуугын А(H7N9) вирүст халдварын тухай мэдээ: 31/13, http://www.flu.mn/mgl/index.php?option=com_content&task=view&id=1136&itemid=49, accessed on dec.11, 2013;

10. Редакцын зөвлөл зохиогчтой тохиролцсоны үндсэн дээр бүтээл зарчмын засвар хийх, хэмжээг багасгах эрх эдэлнэ. Зохиогчид засварлах хугацаа зааж буцааж болох ба хугацаандаа ирүүлээгүй бүтээлийг хэвлэхгүй.
11. Урьд нь бусад хэвлэлд хэвлэгдсэн, хэвлүүлэхээр илгээсэн болон шаардлагад нийцээгүй бүтээлийг редакци хүлээн авахгүй.
12. Зохиогч бүтээлээ хэлэлцүүлэх санал ирүүлээгүй ч хэвлүүлэхээр ирүүлсэн бүтээлүүдээс хэлэлцүүлэх бүтээлийг редакцийн зөвлөл сонгоно.
13. Зохиогч өөрийн бүтээлийн бүтэц, загвар, үнэн бодит байдал ба хураангуйн орчуулгын талаарх хариуцлагыг бүрэн хүлээнэ.

Эрдэм шинжилгээний бүтээл хүлээж авах хугацаа:

Дээрх шаардлагын дагуу боловсруулсан бүтээлийг 2019 оны 04-р сарын 19-ний өдрийг хүртэл altantogtokh@nczd.gov.mn хаягаар хүлээж авна.

Монгол улс, Улаанбаатар хот, 18131 Сонгинохайрхан дүүрэг, 20-р хороо, Зоонозын өвчин судлалын үндэсний төв, Нийгмийн эрүүл мэнд, сургалт, эрдэм шинжилгээний алба.

Утас: (976)-70282853, (976)-99040664

И-мэйл: altantogtokh@nczd.gov.mn